


www.BibleForChildren.org



San Juan 14



Rnnë' Jesús: —Biti' cö'li' baniga lu icja ládxi'do'oli'.
Guli'tséajlë' Dios, en guli'tséajlë' ca' neda'. Lu yu'u
lidxë' Xuza' lataj zián nacuá'. La'tu' cabí naca caní,
neda' chigudxi caza' libí'ili'. Tseja' na'a, tsöjpá'a lataj
queëli' ga tsöjsóali'.



Channö huayéaja', en tsöjpá'a lataj queëli' ga
tsöjsóali', huöda' leyúbölö, ate' uchë'a libí'ili' lataj quia',
para ga na' tsöjsóa' neda', tsöjsóali' ca' libí'ili'.



Neda', Juan, naca' böchi' luzá'ali', en tsözxön
riguí'i rizáca'léna' libí'ili', en tsözxön len libí'ili'
ruzi'a xibé le rinná bë'ë Dios, en

nadéli'da' yöl-la' riböza zxön ladxi' na'
runné' Jesucristo queëru'.




Nadzuna' tu luyú bidxi ni gatsaj láhui'lö nísado',
nazí'i le Patmos. Nadzuna' tu' bena' libán que
xtídzë'ë Dios, en tu' bena' ba nalí queë'

Jesucristo.



La' ní'isö guzóalenë' Dios Bö' Lá'ayi neda', ate'
bilé'eda' yehua' yubá ni' tu lataj ga Nu rö'ö rinná
bë', en bilé'eda' ca' Nu na' rö'ö lataj na'.




Ní'irö biyönda' tul-la yúgu'të le benë' Dios yehua' yubá,
en lu yu yödzülió, en zxánilö luyú, en lu nísado'.

Tul-la yúgu'të le nacuá' yugu' lataj
na', ta'nná: ¡Yöl-la' ba Nu na' rö'ö
lataj lo, enca' Bönni' na' náquië'
Bö'cu' Zxíla'do'! ¡Gúntica'siru'-në'
bal en cú'utica'siru'-në' yöl-la' ba,
ate' inná
bë'tica'së' Lë'!




Neda', Juan, bilé'eda' yödzo lá'ayi na', le naca
Jerusalén cubi, ruhuötaj, rirúaj yehua' yubá ga zoë'
Dios, en chinabá'a que ca nabá'a queëbi' bi'i nigula
chizóa utsaga ná'aleni' tu bönni'.



Biyönda' ruí'i didza' nu rnna yehua' yubá:

“¡Buli'yútsöca'! ¡Ga zoë' Dios zóalen bönachi! ¡Sóalenë'
léguequi, ate' léguequi ilácagaca bönachi queë'! ¡Dios
caz sóalenë' léguequi, en gáquië' Dios quéguequi!



Ní'irö gubáz lá'ayi na' buluí'inë' neda' tu yegu yení'ido',
le naca nisa yegu le runna yöl-la' na'bán. Rëpi yösa
bení' yegu na' ca rëpi yösa bení' guiöj jara. Rirúaj yegu
na' lu lataj lo ga rö'ë Dios, en ga rö'ë ca' Bönni' náquië'
Bö'cu' Zxíla'do'.



Biti' run bayudxi tseni'gaca gubidza, en beo' lu yödzö na', tu' uzení' yöl-la' bení' queë' Dios lu yödzö na', ate' lësca' Bönni' náquië' Bö'cu' Zxíla'do' náquië' le uzení' ni'.




Tu le ruá' dö' biti' ca'
tsaza ni', en calëga
tu le naca xihui', en
calëga nu rizi' yë',
pero tsázagacasö
ni' nupa nazúajgaca
láguequi lu guichi
queë' Bönni' náquië'
Bö'cu' Zxíla'do', ga
na' nazúajgaca
lágaca nupa
nadéli'gaca yöl-la'
na'bán.




Dios uzxië' nisa ribödxì zoa guiõj
lóguequi. Cúnturö nu gati, en
cúnturö nu cödxì, en cúnturö nu
cödxì yechi', en cúnturö nu qui'i
saca', tu' chigudödi quégaca lë
na' gulaca zí'alö."




Biti' soa ni' nitú le dxía dö'. Soa lu yödzö na' lataj lo ga rö'ë Dios, enca' ga rö'ë Bönni' náquië' Bö'cu' Zxíla'do', ate' yugu' huen dxin queë' ila'yéaj ládxi'gaquië' Lë'. Ila'lé'enë' lahuë' Lë', ate' le nazí'i Lë' nazúaj ra' xigágaquië'.



Bilé'eda' ca' nupa chinátigaca, nupa náccagaca lo, en
nupa náccagaca cá'asö, zuíguequinë' lahuë' Dios.
Gula'yálaj guichi, en guyalaj ca' ia'tú guichi ga na'
nazúajgaca lágaca nupa nadéli'gaca yöl-la' na'bán idú.
Buchi'a busöröë' Dios nupa na'
chinátigaca tsca naca le nazúaj yugu' lu
guichi na', lë na' gulúngaca. Nupa
biti' nazúajgaca lu guichi
quégaca nupa
nadéli'gaca yöl-la'
na'bán idú
yöjtsázagaca lataj na'.



Tu'ë didza' Dios Bö' Lá'ayi, enca' bi'i nigula utsaga ná'aleni'-nē' Bönni' náquië' Bö'cu' Zxíla'do', ta'nnē':
“¡Gudá!” Nu riyöni didza' ni ral-la' inná: “¡Gudá!” ¡Nu ribidxi nisa, en nu rizē ladxi' le, ral-la' guídi, en guí'aj nisa le runna yöl-la' na'bán!



Tu' bidxí'ide'enë' Dios bönachi
yödzölió, buzá' ládxë'ë quéguequi
Zxí'inë' la' buduínë', para cabí ila'niti
yúgu'të nupa ila'yéajlë' Lë', pero
gata' yöl-la' na'bán idú
quéguequi.



Romanos 3:23 tu' núngaquië' yúgu'të' dul-la', en bití' ca' nácagaquië' tsahui' ca na' náquië' Dios idú tsahui'.

Romanos 6:23 Lazxaj nu run dul-la' naca yöl-la' guti, pero le rúnnasë' Dios queëru' naca yöl-la' na'bán idú, le rata' queëru' tu' nácaru' tuz len Xanru' Jesucristo.

Hebreos 9:27 Ca na' run bayudxi ilátigaca bönachi tu luzuísö ate' tödi ni' uchi'a usöröë' Dios léguequi,

Efesios 2:8,9 Nuláli' tu' zoa le buzá' ládxë'ë Dios queëli' tu' réajlë'ëli' Cristo. Busölë' libí'ili', calëga tu' nacuá' le naca dxi'a benli' libí'ili', pero tu' naca le runsë' Dios.

Cuntu nu gaca gun ba zxön cuini tu' nulá, tu' cabí nulá nu na' tu' nacuá' le naca dxi'a nun nu na'.



Romanos 10:9,10 “Channö didza’ gu’u gaca bë’ Jesús náquië’ Xanu’, en uyéaj lë’u idú ládxu’u Dios busubanë’ Lë’ lu yöl-la’ guti, uló’ li’.”

Lu icja ládxi’do’oru’ réajlë’ëru’ Jesús para gácaru’ tsahui’, ate’ len didza’ ruí’iru’, ruluí’iru’ lahui le náquië’ Jesucristo para uláru’.

San Juan 3:16,17 Tu’ bidxí’ide’enë’ Dios bönachi yödzölió, buzá’ ládxë’ë quéguequi Zxí’inë’ la’ buduínë’, para cabí ila’niti yúgu’të nupa ila’yéajlë’ Lë’, pero gata’ yöl-la’ na’bán idú quéguequi.

Dios gusöl-lë’ë Zxí’inë’ yödzölió ni, calëga para ichúguië’ quégaca bönachi yödzölió ni gátigaca, pero para ulu’lágaca bönachi yödzölió ni ni’a queë’ Lë’.



1 Juan 5:11-13 Lë ni naca le benë' ba nalí Dios. Gunnë'
chibennë' yöl-la' na'bán idú queëru', ate' Zxí'inë' na'
náquië' Nu nabániru' caní.

Nu bönni' zóalenë' Zxí'inë' Dios lë', dë yöl-la' na'bán idú
queë'. Nu bönni' biti' zóalenë' Zxí'inë' Dios lë', biti' dë
yöl-la' na'bán idú queë'.

Libí'ili' na' réajlë'ëli'-në' Zxí'inë' Dios, ruzúaja' queëli' lu
guichi lë ni para inözili' chidë yöl-la' na'bán idú queëli', en
para gaca idú ca réajlë'ëli'-në' Zxí'inë' Dios.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Rincon NT (zar) © 2009, Wycliffe Bible
Translators, Inc. All rights reserved.

<https://live.bible.is/bible/ZARTBL/MAT/1>

©2025 Bible for Children, Inc.

www.M1914.org

www.bibleforchildren.org

